

**Oqaatsuni oqaluffiliornissaq siunertaralugu sanaartornissamut pilersaarummik
suliaqaqqullugit Naalakkersuisut peqquneqarnissaannik Inatsisartut
aalajangiiffigisassaattut siunnersuut.**

(Inatsisartunut ilaasortaq Doris Jakobsen Jensen, Siumut)

Akissuteqaat

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Aappasaaneerinnineq

Siunnersuutip suliarineqarneranut isumaliutissiissutaanullu Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq Naalakkersuisut sinnerlugit qutsavigaara.

Naalakkersuisut allannguutissatut siunnersuutaata akuersissutigineqarnissaannik Ataatsimiititaliap isumaqatigiilluni inassuteqarnera Naalakkersuisut maluginiarpaat. Siunnersuutaqaartup allannguutissatullu siunnersuutigineqartup allaassuteqarnerannik Ataatsimiititaliap oqaaseqaataa Naalakkersuisut tusaatissatut tiguaat.

Ilageeqarnermut sanaartugassanik immikkoortumut pilersaarutip pingaarnersiuinermi salliutinneqarnissaa Ataatsimiititaliap inassutigigaa, Naalakkersuisullu maluginiarpaat taakkununga pisariaqartunik aningaasaliisoqarnissaa pisariaqartinneqartoq. Immikkoortumullu pilersaarut naammasseriarpas Ataatsimiititaliap ilisimatinneqarnissani aamma qinnutigaa.

Taaneqartut inassuteqaatit tusaatissatut tigullugit allannguutissatut siunnersuutip akuersissutigineqarnissaa Naalakkersuisut inassutigaa.